

四庫全書

經部

欽定四庫全書

經部

春秋大事表卷六上

詳校官侍郎_臣李封

給事中_臣溫常綬覆勘

總校官知縣_臣楊懋珩

校對官中書_臣盛惇崇

謄錄監生_臣王貽桂

欽定四庫全書

春秋大事表卷五

國子監司業顧棟高撰

列國爵姓及存滅表

余既輯春秋疆域自成周以迄齊楚秦晉凡十一國
而當日之形勢如鱗次櫛比犬牙相錯凡行軍用師
出入往來之迂直遠近及築城戍守之輕重疎密莫
不瞭然具見繼為原其封爵之所由及其姓氏與小

國之入于某國為某邑而春秋之列侯始而星羅碁
布繼而疆兼弱削究其源流指掌可數作而歎曰封
建之裂為郡縣蓋不自秦始也自莊公之世而楚文
王已縣申息封畛于汝逮後而晉有四十縣哀二年
趙鞅為缺之師誓曰克敵者上大夫受縣下大夫受
郡終春秋之世而國之滅為縣邑者強半天下而諸
國卒以強盛則當日之勢較之周初已稍稍異矣雖
聖王復起不得不變其制也且入春秋以來周室得

以綿延數百年者賴齊與晉耳而齊晉之兼國為不
少也假令齊晉謹守侯度猶然臨淄太原百里之封
而周天子能統虞虢譚遂諸國以鞭笞荆楚披攘戎
狄乎不能也其不能者何也其勢散且有土之諸侯
未必皆賢即使因其不賢而易置之而其政令不能
盡出于王朝其民之視聽不能盡屬于天子故常散
而不能聚弱而不能強其易而縣邑也則不然度才
而使之程能而任之朝不道則夕斥之矣夕不道則

朝罷之矣晉文難守原之大夫而得趙衰鄭子皮欲使尹何為邑而子產曰少未知可否其操縱由一己其呼吸若一氣其簡練教訓如親父兄之于子弟也故能抗方張之敵而成翼戴之勢嗚呼世變之所趨如天地之化陰陽積而成寒暑豈一朝一夕之故哉雖聖人復起無如之何也西漢之興侯國與郡縣參半未幾而反者四起其存者皆淫侈不軌逮國除為郡而黎民乂安垂數百年漢之國除為郡而地入于

天子春秋之國滅為邑而地歸于強侯漢以淫侈不軌而除春秋以弱小不能自立而滅其事不同而世變之所趨則一也天下之勢合則治而分則亂自三代以來莫之有易矣輯春秋列國爵姓及存滅表第

五

魯	國	爵	姓	始封	都	存滅
侯		姬		周公子伯禽	國於曲阜今山東兗州府曲阜縣	獲麟後二百三十二年頃公二十四年滅于楚

蔡

侯

姬

文王子叔度

國于蔡今河南汝宣公二十八年入
 寧府上蔡縣平侯春秋靈公十二年
 遷新蔡今汝寧府為楚所滅昭十後
 新蔡縣昭侯遷州二年平公復興昭十
 來今江南鳳陽府三成年十年獲麟
 壽州北三十里下後三十四年蔡侯
 蔡城是齊四年滅于楚

曹

伯

姬

文王子叔振

鐸

國于陶邱今山東桓公三十五年入
 曹州府定陶縣春秋曹伯陽十五

年滅于宋宋孟
 子時有曹交趙註
 云曹君之弟疑曹
 地既入于宋宋以
 封其大夫如齊封
 田文為薛公之類

次二四三二一	滕	衛
子侯	侯	侯
書後 姬	姬	姬
文王子叔繡	封 文王子康叔	封 文王子康叔
古滕城 今山東兗州府滕縣西南十四里有	國于朝歌今河南衛輝府淇縣東北有朝歌城戴公廬曹今衛輝府滑縣文公遷楚邱今滑縣東六十里廢衛南縣是成公遷帝邱今直隸大名府開州	國于朝歌今河南衛輝府淇縣東北有朝歌城戴公廬曹今衛輝府滑縣文公遷楚邱今滑縣東六十里廢衛南縣是成公遷帝邱今直隸大名府開州
入春秋七年始見經終春秋世猶存世族譜春秋後六世齊滅之今按戰國策宋康王滅滕疑宋亦尋滅地	桓公十三年入春秋出公十二年獲麟後二百七十二年衛君角二十一年為秦二世所滅	桓公十三年入春秋出公十二年獲麟後二百七十二年衛君角二十一年為秦二世所滅

春秋大事表

四

鄭		晉	
伯		侯	
姬		姬	
厲王子友		武王子叔虞	
舊都成林今陝西同州府華州武公	絳城沃縣西南二里有稱絳今平陽府曲城景公遷新田仍南十五里有故翼平陽府翼城縣東亦曰故絳今山西絳孝侯改絳曰翼	國于大夏今山西太原府太原縣北有古唐城變父改國號曰晉穆侯徙	
莊公二十二年入春秋齊公二十年	所滅	鄂侯二年入春秋定公三十一年獲麟後一百五年釐公二年為魏鞅趙	入于齊故譜云然

吳	北燕
子按 語本 伯爵	伯史 作記 侯
姬	姬
太王子太伯	召公奭
遷于溱洧今河南許州府新鄭縣	國于梅里今江南常州府無錫縣東南三十里有太伯城諸樊南徙吳闔廬築大城都之今蘇州府治是國于薊今直隸順天府治大興縣是
獲麟後一百六年 康公二十一年滅于韓	入春秋一百二十年始見傳宣父十七年壽夢二十年始見經七夫差十五年獲麟後八年滅于趙 穆侯七年入春秋獻公十二年獲麟後二百五十九年燕王喜三十三年滅于秦

齊	秦
侯	伯
姜	嬴
太公尚父	伯益後非子
<p>國于營邱今山東青州府臨淄縣</p>	<p>國于秦今陝西秦州清水縣莊公徙故西犬邱秦州西南百二十里西縣故城是寧公遷平陽在今陝西鳳翔府郿縣西四十六里德公遷雍今鳳翔府治是</p>
<p>僖公九年入春秋簡公四年獲麟後九十五年田氏篡齊遷康公于海上又七年康公二十六年亡</p>	<p>文公四十四年入春秋悼公十一年獲麟後二百六十年始皇初并天下</p>

史記卷一百一十五 楚世家	杞	宋	楚
伯侯 或書 子書	公	子	羊
禹後東樓公	殷後微子啓	顓頊後熊繹	國于丹陽在今湖廣宜昌府歸州東南七里武王遷郢今荊州府城北十里紀南城是昭王遷都旋還郢
國于雍丘今河南開封府杞縣成公遷緣陵在今山東青州府昌樂縣東	國于商邱今河南歸德府治商邱縣	武王十九年入春秋惠王八年獲麟後二百五十八年楚王負芻五年滅于秦	武公二十九年入春秋閔公六年獲麟後三十六年簡公元年滅于楚

薛	陳	
侯 後書 任	侯 媯	爵 正義 按 本公
黃帝後奚仲	舜後胡公	
今山東兗州府滕縣南四十里有薛	國于宛邱今河南陳州府治淮寧縣	南五十里文公遷淳于在今青州府安邱縣東北三十里其雍邱之地不知何年入于宋
入春秋十一年始見經終春秋世猶	桓公二十三年入春秋哀公三十五年為楚所滅 <small>昭</small> 後五年惠公復興 <small>昭</small> 三閔公二十一年獲麟後三年滅于楚史記先一年	

大邑曰一邑	小邾	莒	邾	
	子 <small>附本</small> 曹	子 已	子 <small>附本</small> 曹	伯
	邾公子友	茲輿期	顛頊苗裔挾	
春秋大事表	國于邾今山東兗州府滕縣東六里	舊都介根今山東萊州府膠州西南五里有計斤城春秋初徙于莒今山東沂州府莒州	今山東兗州府鄆縣文公遷繹今鄆縣東南二十六里有古邾城	城
七	始見經五終春秋	入春秋二年始見經莒子狂 <small>其延</small> 卒之年獲麟後五十年滅于楚	滅之譜春秋後八世楚	存後不知為誰所滅或曰齊滅之
	入春秋三十四年	元隱	儀父始入春秋	
		終春秋世猶存後	改國號曰鄆杜	

	許	宿
庸進 爵	男	男
	姜	風
	伯夷後文叔	太皞後
有郟城	<p>今河南許州府治東三十里故許昌城是靈公遷于葉今河南南陽府葉縣悼公遷夷實城父今江南潁州府亳州東南七十里有城父城旋還葉又遷于析實白羽今南陽府內鄉縣許男斯遷容城或曰在葉縣西</p>	
世猶存 杜諧春秋後六世楚滅之	<p>入春秋十一年始見經是年莊公奔衛後十五年穆公復立于許<small>桓十</small>許男斯十九年為鄭所滅<small>定六</small>後十年復見經<small>哀元</small>或云楚復封之許男結元年獲麟戰國時滅于楚</p>	
平州東二十里無	<p>今山東泰安府東隱元年見莊十年宋人遷宿後入齊</p>	

	祭	申	東虢	共
	伯	侯		伯
	姬	姜	姬	
	周公子	伯夷後	文王弟虢仲	
鹽城是	今河南開封府鄭州東北十五里有祭亭	國于謝今河南南陽府北二十里申城是	今河南開封府汜水縣是	今河南衛輝府輝縣是
為邑	隱元年見	隱元年見莊六年傳楚文王伐申後遂入楚為申邑	春秋前為鄭所滅為制邑隱元年見傳	隱元年見後地入于衛

向	西號	夷	紀
	公		侯
姜	姬	妘	姜
	文王弟號叔		
<p>今江南鳳陽府懷遠縣東北四十五</p>	<p>舊都在今陝西鳳翔府寶雞縣東五十里後隨平王東遷更封于上陽今河南陝州東南有上陽城其支庶留于故都者為小號</p>	<p>今山東萊州府即墨縣西六十里有壯武故城即其地</p>	<p>今山東青州府壽光縣東南有紀城</p>
<p>隱二年見</p>	<p>隱元年見傳五年滅于晉其小號于莊七年為秦所滅</p>	<p>隱元年見</p>	<p>隱元年見莊四年滅于齊</p>

	極	邢	郟
	附庸	侯	伯
	姬	姬	姬
		周公子	文王子叔武
里有古向城	今山東兗州府魚臺縣西有極亭	今直隸順德府治邢臺縣後遷夷儀今山東東昌府西南十二里有夷儀城	今山東兗州府汶上縣北二十里有郟城
隱二年見	隱四年見傳二十五年滅于衛		隱五年見文十二年郟伯來奔傳云郟人立君則郟尚存也戰國時有城陽君括地志云古郟國

部	息	戴	凡	南燕
子	侯		伯	伯
姬	姬	子	姬	媧
文王子			周公子	黃帝後
武縣東南二十里	今河南光州息縣	城故城是	今衛輝府輝縣西 南二十里有凡城	今河南衛輝府東 南三十五里廢胙 城縣是
桓二年見	為息邑 四年傳為楚所滅		隱十年見不知何	隱五年見

隨	州	魏	芮	
侯	公		伯	
姬	姜	姬	姬	
州	今湖廣德安府隨	國于淳于在今山東青州府安丘縣東北三十里	在今陝西同州府城南	有郃城
世猶存	桓六年見終春秋為杞都	桓五年州公如曹傳云度其國危遂不復後地入于杞	桓三年見僖二十二年今從史記	桓三年見僖二十二年今從史記

梁	鄭	巴	黃	鄧	穀
伯	子	子		侯	伯
羸		姬	羸	曼	羸
今陝西同州府韓城縣南二十二里	今湖廣襄陽府城東北十二里有鄭城	今四川重慶府治巴縣	今河南光州西十二里有黃城	今河南南陽府鄧州	今湖廣襄陽府穀城縣西北七里故穀城是
桓九年見僖十九年滅于秦以其地	桓九年見不知何年滅于楚	桓九年見至戰國時滅于秦	桓八年見僖十二年滅于楚	桓七年見莊十六年滅于楚	桓七年見後地入于楚

虞	賈	荀 <small>或云即郇國</small>	
公	伯	侯	
姬	姬	姬	
仲雍後虞仲			
國于夏墟今山西解州平陸縣東北四十五里有虞城	今陝西同州府蒲城縣西南十八里有賈城	在今山西絳州界	有少梁城
桓十年見僖五年滅于晉	桓九年見不知何年滅于晉後以賜狐射姑為邑	桓九年見後為晉所滅以賜大夫原氏黶是為荀叔	為少梁邑文十年晉人取少梁地遂入晉

貳	軫	鄖	絞	州	夢
		國即郢			反力古顏 救日師
		子			
在今湖廣德安府 應山縣境	在今德安府應城 縣西	今德安府治安陸 縣即古鄖城	在今湖廣鄖陽府 西北	今湖廣荊州府監 利縣東三十里有 州陵城	今河南南陽府唐 縣南九十里湖陽 故城是
桓十一年見不知 何年滅于楚下同					

車	賴	羅
附庸	子	熊
今山東泰安府萊蕪縣東二十里有車城	今河南光州商城縣南有賴亭	今湖廣襄陽府宜城縣西二十里有羅川城又荊州府枝江縣岳州府平江縣皆其所遷處
桓十五年見	桓十三年見昭四年滅于楚公穀俱作滅屬蓋古屬賴二字同音故有此誤	桓十二年見不知何年滅于楚

葛	於餘邱	蕭	遂
伯	子	附庸子	
羸	子	蕭叔大心	媯
<p>今河南歸德府寧 陵縣北十五里有 葛城</p>	<p>未詳其地或曰在莊 沂州境</p>	<p>今山東濟南府治 城東南七十里有譚 滅</p>	<p>今山東兗州府寧 陽縣北有遂鄉</p>
<p>桓十五年見</p>	<p>莊十年見為齊所</p>	<p>莊十二年見宣十 二年滅于楚後仍 入宋為邑</p>	<p>莊十三年見為齊 所滅</p>

滑	原		權
伯	伯		
姬	姬		子
	文王子		
國于費今河南河 南府偃師縣南二 十里樛氏故城是	今河南懷慶府濟 源縣西北十五里 有原鄉		今湖廣安陸府當 陽縣東南有權城
莊十六年見僖三 十三年滅于秦旋 入晉後又屬周	莊十八年見僖二 十五年王以其地 賜晉晉遷原伯貫 于冀此後原伯見 于傳者甚多或曰 遷邑于河南至隱 十一年傅蘇忿生 之田亦有原邑當 是兩地正義合為 一誤		莊十八年見不知 何年滅于楚

郭	徐	樊
北有郭城	子	侯
今山東東昌府東	贏	
莊二十四年經書	伯益後	仲山甫
郭公胡傅郭亡也	今江南泗州北八	國于陽今河南懷
莊二十六年見昭	十里有古徐城	慶府濟源縣西南
也	三十年滅于吳徐	十五里有陽城
也	子奔楚楚城夷以	莊二十九年見僖
也	滅之後仍為楚所	二十五年王以其
也	地賜晉晉語倉葛	曰陽有樊仲之官
也	守知尚未絕封益	遷于河南昭二十
也	二年傳有樊頃子	二十

鄭	耿	霍	陽
附庸姜		侯	侯
鄭城集	姬	姬	姬
		文王子叔處	
今山東泰安府東平州東六十里有鄭城集	今山西絳州河津縣南十二里有耿城	今山西霍州西十六里有古霍城	今山東沂州府沂水縣南有陽都城或曰陽國本在今益都縣東南齊逼
莊三十年齊人降	閔元年見為晉所滅以賜趙夙為邑	閔元年見為晉所滅後以賜先且居為邑	閔二年齊人遷陽

弦	舒	冀	江	
子	子			
隗	偃		羸	
今湖廣黃州府蘄水縣西北四十里	城今江南廬州府舒城縣	今山西絳州河津縣東有冀亭	今河南汝寧府正陽縣東南有故江城	遷之于此
僖五年見為楚所滅宛溪氏曰昭	楚平疑自後遂滅于後復見至文十二年楚子孔執舒子	僖二年見後地入于晉為郤氏食邑	僖二年見文四年滅于楚	

道

有軟縣古城為弦
國地又河南光州
西南有弦城蓋因
光山縣西有僑置
軟縣故城而誤或
曰弦子奔黃時所
居也

今河南汝寧府確
山縣北二十里有
道城或云在息縣
西南

三十一年傳吳圍
弦蓋楚復其國也

僖五年見昭十一
年楚靈王遷之于
荆十三年平王即
位而復之知此時
尚存杜註謂楚已
滅之為邑未詳何
據

柏

温

子

巳

司寇蘇公

今河南汝寧府西平縣有柏亭

今河南懷慶府温縣西南三十里有古温城

僖五年見

春秋初蘇氏巳絕封隱十一年王與鄭人蘇忿生之田十二温居一焉不知何時地復歸王蘇氏續封而仍居温僖十年為狄所滅二十五年王以其地賜晉至文十年女栗之盟復見蘇子杜註蓋王復之或云自是遷于河南

鄆	厲	英氏	項	密	任
子					
姒	姜	偃		姬	風
禹後	厲山氏後	臯陶後			太皞後
今山東兗州府嶧縣東八十里有鄆城	今湖廣德安府隨州北四十里有厲山山下有厲鄉	今江南六安州西有英氏城	今河南陳州府項城縣	今河南許州府密縣	今山東兗州府濟寧州是
僖十四年見襄六年滅于莒昭四年地入于魯	僖十五年見	于楚 僖十七年見後滅	僖十七年滅項後為楚地	僖十七年見	孟子時猶有任國

須句

子

風

太皞後

今山東泰安府東平州是

僖二十一年見為邾所滅二十二年

公伐邾復其封後復滅于邾文七年魯再取之卒為魯地

顓臾

附庸風

太皞後

今山東沂州府費縣西北八十里有顓臾城

僖二十一年見

頓

子

姬

今河南陳州府商水縣即故南頓城或曰頓國本在今縣北三十里頓子迫于陳而奔楚自頓南徙故曰南頓

僖二十三年見定十四年滅于楚

雍	聃	毛	管
姬	姬	伯	姬
文王子	文王子季載	文王子叔鄭	文王子叔鮮
<small>今河南懷慶府修武縣西有雍城</small>	<small>國于那處今湖廣安陸府荆門州東南有那口城</small>	<small>未詳或曰在今河南府宜陽縣境</small>	<small>今河南開封府鄭州即故管城</small>
	<small>不知何年滅于楚莊十八年傳遷權于那處則聃之滅又在權前矣</small>	<small>昭二十六年毛伯奔楚</small>	<small>春秋前已絕封其地屬檜檜滅屬鄭宣十二年傳晉師救鄭楚子次于管以待之是也戰國時屬韓以下十三國俱僖二十四年見</small>

畢

姬

文王子

今陝西西安府咸陽縣北五里有畢原

春秋前不知為誰所滅畢萬其後也

鄠

侯

姬

文王子

今陝西西安府鄠縣東五里有鄠城

鄠本商崇侯虎地文王滅崇作豐邑武王封其弟為鄠侯竹書成王十九年黜鄠侯自是絕封後其地復為崇國

郇

侯

姬

文王子

今山西蒲州府臨晉縣東北十五里有古郇城

不知何年滅于晉

<p>邾</p>	<p>應</p>
<p></p>	<p>侯</p>
<p>姬</p>	<p>姬</p>
<p>武王子</p>	<p>武王子</p>
<p>今河南懷慶府城西 北三十里有邾 臺村</p>	<p>今河南汝州魯山 縣東三十里有應 城</p>
<p>地名考略隱十一年傳王取鄆劉蕩邾之田于鄭邾即武王子所封據此則春秋初邾已并于鄭矣然註疏無明文當別是一邑邾國不知為誰所滅高氏誤</p>	<p>不知何年絕封地入周後入秦史記報王四十五年客謂周最以應為秦太后養地是也</p>

都	胙	茅	蔣	韓
				侯
	姬	姬	姬	姬
	周公子	周公子	周公子	武王子
國于商密今河南南陽府內鄉縣西	在今河南衛輝府廢胙城縣西南	今山東兗州府金鄉縣西北有茅鄉	今河南光州固始縣西北七十里期思城是	今陝西同州府韓城縣南十八里有古韓城
僖二十五年秦人入郟蓋		後為郟邑哀七年傳茅成子以茅叛是也	不知何年滅于楚為期思邑	春秋前為晉所滅後以封大夫韓萬為邑

沈	檜	夔	
子		子	
姬	妘	芊	
	祝融後	熊摯	
今河南汝寧府東 南有平輿城其北	古檜城 今河南許州府密 縣東北五十里有	今湖廣宜昌府歸 州東二十里有夔 子城	南百二十里丹水 故城是後遷於郟 今湖廣襄陽府宜 城縣東南九十里 有郟縣故城
文三年見定四年 為蔡所滅後屬楚	春秋前為鄭所滅 僖三十三年見傳	僖二十六年見為 楚所滅	自是南徙為楚附 庸定六年傳遷郟 于郟則楚已滅之 為邑矣

	六	蓼 了音	偏	巢
			子	伯 尚見
	偃	偃	媿	書序
	臯陶後	臯陶後		
有沈亭	今江南六安州	今江南潁州府霍邱縣西北有蓼縣故城	國于錫穴今陝西興安州白河縣是	今江南廬州府巢縣東北五里有居巢城
為平輿邑	文五年見為楚所滅下同	文六年見	文十年見不知何年滅于楚	文十二年見昭二

宗	舒蓼	庸	崇
子			
	偃		
見下註	臯陶後	今湖廣鄖陽府竹山縣東四十里有所滅上庸故城	見前鄴國註蓋秦宣元年見之與國復居鄴而
文十二年見	今江南廬州府舒城縣為古舒城廬江縣東百二十里有古龍舒城舒蓼舒庸舒鳩及宗四國約畧在此兩城間	文十六年見為楚	宣元年見

	郟		萊	越
	子		子	子
	已		姜	如
	少昊後			夏后少康子
襲崇之舊號者	今山東沂州府郟城縣西南百里有古郟城		今山東登州府黃縣東南二十里有萊子城	國于會稽今浙江紹興府治山陰縣
	宣四年見終春秋世猶存紀年云于越子朱勾三十五年滅郟今按史記楚世家頃襄王十八年猶有郟國相去一百三十五年紀年悞		宣七年見襄六年滅于齊	宣八年見獲麟後一百四十七年大

黎	唐	劉	
侯	侯	子	
	祁	姬	
	堯後	匡王子	
今山西潞安府黎城縣東北十八里有黎侯城	今湖廣德安府隨州西北八十五里有唐城鎮	今河南河南府偃師縣南三十五里有劉聚	
宣十五年見嘗為狄所滅是年晉復立之詩旌邱序狄人迫逐黎侯詩譜	宣十二年見定五年滅于楚	宣十年見至貞定王時絕封	為楚所破遂微弱濱于海上服朝于楚又一百十二年滅于秦

	鄆	州來	呂
	附庸		侯
			姜
	未詳或曰在今山東沂州府郯城縣東北	在今江南鳳陽府壽州北三十里	今河南南陽府城西三十里有呂城
次于周桓王之世誤也鄆舒奪黎氏地即當日罪案豈有失國百年而後復之乎	成六年見為魯所滅	成七年見昭十三年滅于吳	不知何年并于楚為邑成七年傅子重請取于申呂以為賞田即此

檀	鍾離	舒庸	偃	偏陽	郟	鑄	杜
伯	子			子			伯
				姪		初	初
						堯後	堯後
蓋在今河南懷慶府濟源縣境	今鳳陽府臨淮縣東四里有鍾離城	見舒莒註		今山東兗州府嶧縣南五十里有偃陽城	今山東兗州府濟寧州東南有郟城	今山東兗州府寧陽縣西北有鑄城	今陝西西安府治東南十五里有杜
成十一年見	成十五年見昭二十四年滅于吳	成十七年見為楚所滅		襄十年見晉滅之以予宋使周內史選其族嗣納諸霍人以奉姪姓之祀	襄十三年見為魯所滅	襄二十三年見	春秋前已絕封襄二十四年見傳

邶	楊	焦	胡	舒鳩	
	侯		子	子	
	姬	姬	歸	偃	
北有邶城 今河南衛輝府東	有楊城 今山西平陽府洪洞縣東南十八里	里有焦城 今河南陝州南二里	北二里有胡城 今江南潁州府西	見舒蓼註	陵故城
襄二十九年見不知何年并于衛下	賜羊舌肸為楊氏邑 襄二十九年見不知何年滅于晉	知何年滅于晉 襄二十九年見不知何年滅于楚	復之 襄二十八年見定十五年滅于楚	襄二十四年見二十五年滅于楚定二年復見傳蓋楚	

鄆	房	
子		
女		
<p>國于啟陽今山東沂州府治北十五</p>	<p>平今河南汝寧府遂縣是</p>	<p>按舊說如此疑有誤</p>
<p>昭十八年鄆人入</p>	<p>昭十三年見前二</p>	<p>年楚靈王遣之于</p>
	<p>荆至是平王復之</p>	
	<p>不知何年并于楚</p>	
	<p>漢志吳房縣孟康</p>	
	<p>註楚封吳夫概于</p>	
	<p>此故曰吳房</p>	

國于啟陽今山東沂州府治北十五鄆昭十八年鄆人入

昭十三年見前二年楚靈王遣之于荆至是平王復之不知何年并于楚漢志吳房縣孟康註楚封吳夫概于此故曰吳房

按舊說如此疑有誤

平今河南汝寧府遂縣是

按舊說如此疑有誤

	鍾吾	桐	戎	北戎
	子			
		偃		
<p>里有開陽城</p>	<p>今江南徐州府宿遷縣西北有司吾鄉</p>	<p>今江南安慶府桐城縣</p>	<p>今山東曹州府曹縣東南四十里楚邱城是</p>	<p>在今直隸永平府境</p>
<p>邾盡歸邾俘知邾復存不知何年地入于魯哀三年城啓陽即此</p>	<p>昭二十七年見三子疑遂亡</p>	<p>定二年見</p>	<p>隱二年見後地入于衛所謂戎州也以下四裔</p>	<p>隱九年見莊三十年齊人伐山戎即</p>

	盧戎	大戎	小戎	驪戎
	子			男
		姬	允	姬
	南蠻	唐叔後	四岳後	
	今湖廣襄陽府南 漳縣東北五十里 有中廬鎮	境 在今陝西延安府	今陝西肅州西八 百六里敦煌廢縣 是後逮伊川	今陝西西安府臨 潼縣東二十四里 有驪戎城
此	桓十三年見後滅 于楚為廬邑文十 六年傳自廬以往 振康同食是也	同 莊二十八年見下		地 莊二十二年為晉 所滅二十八年見 傳後入秦為侯麗

山戎	狄	犬戎	東山臯	落氏	揚拒泉
即北戎	有白狄赤狄二種	西戎之別在中國者	赤狄別種		
		在今陝西鳳翔府境其本國則今陝西西寧府西北樹敦城是也	今山西絳州垣曲縣西北六十里有臯落鎮又山西平定州樂平縣東七	十里有臯落山未詳孰是	在今河南府境
莊三十二年見	閔二年見	閔二年見後滅于	晉		僖十一年揚拒泉臯伊雒之戎同伐

春秋大事表

三五

臯伊維 之戎	淮夷	陸渾之子 戎 <small>又名陰戎</small>	廡咎如	介
		允	隗	
		即小戎之徒 于中國者	赤狄別種	東夷國
	在今江南徐州府邳州境	陸渾即瓜州地名後遷伊川今河南府嵩縣北三十里有古陸渾城		今山東萊州府膠州南有介亭
王城按文八年公子遂及維戎盟于暴國語北有洛泉徐蒲知其類不一	僖十三年見	僖二十二年秦晉遷之伊川仍以陸渾為名昭十七年為晉所滅陸渾子奔楚其餘服屬于晉曰九州戎	僖二十三年見	僖二十九年見

姜戎	白狄	鄭瞞	羣蠻
子姜		漆	
四岳後陸渾之別部		防風氏後	
	傳云白狄及君同州當與秦相近在今陝西延安府境	古防風氏國于封禺之山在今浙江湖州府武康縣春秋時為長狄在今山東濟南府北境	在今湖廣辰州沅川二府之境
僖三十三年見襄十四年晉執戎子駒支即此	僖三十三年見	文十一年見宣十五年減于晉	文十六年見戰國時滅于楚

百濮	赤狄	根牟	潞氏	甲氏	留吁
			子		
西南夷		東夷國	赤狄別種	赤狄別種	赤狄別種
<p>在今雲南曲靖府 境或曰湖廣常德 辰州二府境</p>	赤狄種類至多	<p>今山東沂州府沂 水縣東南有牟鄉</p>	<p>今山西潞安府潞 城縣</p>	<p>在今直隸廣平府 雞澤縣境</p>	<p>今潞安府屯留縣 東南十里純留城 是</p>
文十六年見	宣三年見	宣九年見為魯所滅	宣十五年見為晉所滅	宣十六年見為晉所滅下同	

鐸辰	茅戎	戎蠻 <small>即蠻氏</small>	無終	肅慎	亳	鮮虞 <small>一名中山</small>
			子			
						姬
赤狄別種	戎別種	戎別種	山戎國		西夷史記索隱 益成湯之脣	白狄別種
在潞安府境	今山西解州平陸縣東南有茅城	今河南汝州西南有蠻城	今直隸永平府玉田縣西有無終城	今興京所屬地	在今陝西北境	今直隸真定府西北四十里有鮮虞亭
	成元年見	成六年見哀四年滅于楚	襄四年見	昭九年見	隱十年為秦所滅昭九年見傳	昭十二年見獲麟後一百八十六年滅于趙

有焉	寒	有窮	有莘	鼓	肥
				子	子
偃				祁	
		夏時國 同下	夏商時國	白狄別種	白狄別種
平縣東十里有故	今山東濟南府德 縣東北三十里有 寒亭	今山東萊州府濰		州是 今直隸真定府晉	今直隸真定府藁 城縣西南七里有 所滅 肥累城
			裏四年見下同	昭十五年見二十 二年滅于晉	昭十二年見為晉
			傳二十八年見 以下古國		

豕韋	戈	過	斟鄩	斟灌		斟灌		
彭				如	如	如		
夏商時國								
今河南衛輝府滑縣東南有韋城鎮	地在宋鄭之間	今山東萊州府掖縣北有過鄉	今山東萊州府濰縣西南五十里有斟城	今山東萊州府濰縣西南五十里有斟城	有斟灌城又有灌亭	今山東青州府壽光縣東北四十里有斟灌城又有灌亭	馬城	
昭二十四年見按二十九傳云								

	觀	扈	妣	邳
	如	如		
	夏時國	同上	商時國 同下	
	今山東曹州府觀城縣	在今陝西西安府鄠縣北		州今江南徐州府邳
夏后孔甲嘉劉累賜氏曰御龍以更豕韋之後杜註以劉累代彭姓之豕韋累尋遷魯縣豕韋復國至商而滅累之後世復承其國為豕韋氏	昭元年見下同			

奄	仍	有緡	駘	歧	蒲姑
羸					
	夏時國 同下				商時國
今山東兗州府曲阜縣東二里有奄城			今陝西乾州武功縣西南二十里有萊城	今陝西鳳翔府岐山縣	今山東青州府博興縣東北十五里
	昭四年見下同		后稷封于邠即此以下俱昭九年見	太王遷于岐即此	成王滅之以其地益封齊

闕鞏	密須	昆吾	逢	
	姑	已	姜	
古國	商時國	夏時國	商時國	
	陰密城 臺縣西五十里有 今陝西平涼府靈文王伐密即此	未知孰為先後 蓋昆吾居此二處 昆吾城按正義曰 州東二十五里有國	有薄姑城	
	昭十五年見下同	昭十二年見春秋 屬許衛二	昭十年見其地後 為齊國	

有虞	封父	駿夷	颺	甲父
姚		董		
夏商時國	古國	虞夏時國	古國	同上
城縣 今河南歸德府虞	邱縣 今河南開封府封	封于駿川		今山東兗州府金鄉縣有甲父亭
封其後于陳 武王	定四年見	昭二十九年見其地後為曹國	昭二十九年見其地後為州蓼之琴	昭十六年見

春秋大事表卷五

欽定四庫全書

春秋大事表卷六上

國子監司業顧棟高撰

列國地形犬牙相錯表

先王建國各有分地紛若列碁界如分畛其後列侯
爭相侵奪務據勢勝而春秋列國之疆域繁然亂矣
如山東濮州范縣為晉士會邑楚之子西為商公為
今陝西商州之雒南縣學者多所不曉以此讀傳譬

若矮人觀場余竊病之今詳考輿圖各據今之州府而列春秋當日之地形犬牙錯互處以左氏經傳附註其下其在大國者無論即如鄭衛魯宋以一國而錯列畿府邾滕郟薛以四國而並處一縣今兗州府滕縣他如吳楚徐越界在蠻夷未收版籍今日而欲知其交兵苦戰者在何地使命通接者在何方晉之通吳以制楚也滅偃陽以與宋通吳晉往來之道而今之沛縣實當南北之衝偃陽在今沛縣楚之通越以制吳也越大

夫胥犴勞王于豫章之汭歸王乘舟且帥師從王而

今之饒州實居楚越之界

饒之鄱陽為楚饒之餘干為越

以至山東

不當有晉地觀隨武子之稱范在宣十五年滅潞之

後而知其皆赤狄遺疆

另有攷

晉之封域彌大于景公

之世陝西不當有楚地觀子西之為商公在文十年

商臣之世而知少習武關早為楚有

商城在武關西北百二十里

楚之問鼎幾成于踐土之前楚之順大江而直下也

吳不能勝楚而盛兵以瞰東北多在廬壽潁亳之間

晉之據桃林以西拒也秦不敢抗晉而竊出以窺東南多出上雒析城之界觀笠澤為吳越接戰之區則知苕霅為兩國莫居之地觀黃池為吳晉會盟之地

則知運河早已合江淮沂濟之流

黃池在今河南封邱縣吳既溝通江

淮復闕為深溝于商魯之間北屬之沂西屬之濟以會晉于黃池沂水入泗濟在封邱縣南蓋其水道自江入淮自淮入泗自泗入沂復穿魯宋之境連屬水道有不通者鑿而通之以達于封邱之濟起揚州至封邱千有餘里即今日運河之故迹庶茫茫千載歷歷可見如審星以

識度撫掌而指螺而凡行師道里之迂直遠近盟會

徵調之踈數繁簡靡不曉然確知其故斯亦學春秋者之所必講也輯春秋列國地形犬牙相錯表第六

河南

河南	陝州	開封	陳州	許州	歸德	汝州	懷慶	衛輝	彰德	汝寧	光州	南陽
府本	及靈	府為	府以	府以	府本	本周	府本	府本	府為	府為	為黃	府為
東周	寶閼	鄭地	陳得	許得	宋地	王畿	周王	衛地	晉衛	江道	息賴	申呂
王畿	鄉二	兼有	名中	名後	中有	地後	畿地	後半	二國	柏房	蔣蓼	蓼諸
地後	縣本	衛魯	有項	入于	陳衛	為晉	桓王	入于	地	沈蔡	諸國	國地

有陸	號國	宋陳	頓二	鄭鄭	鄭三	鄭楚	以與	晉晉	諸國	地皆	皆滅
潭及	後入	四國	國後	人謂	國亦	三國	鄭襄	人謂	地蔡	滅于	于楚
兼有	錯壤	項入	之舊	斗入	接界	王復	之舊	南遷	楚全	全境	全境
鄭地	又斗	魯頓	許又	楚地	以賜	衛亦	諸國	境皆	皆楚	皆楚	皆楚
	入楚	入楚	斗入	又夏	晉由	兼有	并于	楚地	地又	地又	地又
	地鄭	又斗	楚名	邑縣	是與	鄭地	楚全	楚全	楚全	楚全	楚全
	之虎	入宋	陵地	為曹	晉鄭	為晉	境皆	許容	許容	許容	許容
	牢屬	鄭二	後鄭	黍止	二國	衛鄭	楚地	城在	城在	城在	城在

河南府

晉由
是兼
有晉
地

國地

楚地
州為
是禹
楚由
邑入

之櫟

邑地

錯壤

接壤
三國

葉縣
西定
六年
鄭滅
許更
兼有
鄭地

今府城西偏故河南縣為周王城即周公所營洛邑
平王東遷居此府城東二十里洛陽故城為成周
即周公所營下都敬王遷都于此狄泉本在下都
城北定元年城成周繞狄泉于城內

鞏縣西南七十里有轅轅山又洛水于鞏縣入河亦
名什谷隋于此置洛口倉春秋謂之洛汭襄二十
一年使侯出諸轅轅昭元年趙孟館于雒汭蓋周
晉往來必由之道昭二十五年尹文公涉于鞏杜

註于鞏縣涉洛水也

府城南三十里有闕塞山昭二十六年晉師納王使
女寬守闕塞即此

偃師縣南二十里有緄氏城為滑國僖公三十三年
為秦所滅後屬晉成十七年鄭子駟侵晉虛滑後
又屬周定六年鄭伐周馮滑胥靡皆此滑國也周
人又謂之侯氏昭二十二年子朝之亂晉師軍于
侯氏即此

又偃師縣西二十里尸鄉亭為西亳春秋時係鄭地
襄十一年同盟于亳城北即此

澠池縣界有蚌為號邑莊二十一年王巡號守號公
為王宮于蚌即此

永寧縣北六十里有嶠山春秋時謂之二殺東北入
澠池縣界本號地後屬晉僖三十三年晉人敗秦
師于殺即此詳見險要

嵩縣本周之伊川地僖二十二年秦晉遷陸渾之戎

于此昭十七年陸渾滅于晉

陝州

州南二里有焦城即焦國後并于晉為邑

州西南三十二里有曲沃城為晉之瑕邑文十三年
晉使詹嘉處瑕以守桃林之塞即此

州硤石鎮西十五里有草原為號之莘地莊三十二
年有神降于莘即此

閩鄉縣東三十里有稠桑驛為號桑田地僖二年號

公敗戎于桑田後入晉成十年傳晉景公召桑田
巫即此

靈寶縣為晉之桃林塞晉守之以拒秦處後為秦函
谷關詳見險要

盧氏縣有陰地城為晉之陰地宣二年趙盾自陰地
率諸侯之師以侵鄭哀四年蠻子赤奔晉陰地杜
俱註晉河南山北自上洛以東至陸渾上洛今陝
西商州雒南縣陸渾今河南府嵩縣其地南阻終

南北臨大河所謂河南山北也而盧氏縣乃命大夫屯戍之所猶南陽為河南之總名而別有南陽城則在修武也

開封府

今儀封封邱二縣為衛地祥符蘭陽中牟陽武鄆陵洧川尉氏鄭州河陰汜水滎陽滎澤一州十一縣皆鄭地陳留為陳地杞縣為宋雍邱地又鄭之圍地在杞縣南五十里與楚接界修干戈以虞患故

曰圍昭五年韓起自楚至鄭鄭伯勞諸圍蓋以此地為楚鄭接壤也又杞縣北四十里有鳴鴈亭為鄭鳴鴈地成十六年晉侯伐鄭至于鳴鴈即此又蘭陽縣東北二十里為宋戶牖地哀十三年會于黃池吳人囚子服景伯而還及戶牖歸之即此城東四十里有鄭時來地隱十一年公會鄭伯于時來即此

又尉氏縣西南四十里有向城為鄭向地襄十一年

諸侯師于向杜註鄭地即此又縣西北四十里菟
氏城係鄭地昭五年鄭伯勞屈生于菟氏即此又
為鄭大夫尉氏邑縣因以得名

封邱縣為魯衛宋鄭四國錯壤在衛者曰平邱在魯
者曰黃池在宋者曰長邱在鄭者曰蟲牢昭十三
年會于平邱係衛地在封邱縣東四十里哀十三
年會于黃池係魯地在封邱縣西南

黃池為魯地
從趙匡說胡

文定謂為
衛地者非

文十一年傳鄭瞞伐宋宋敗之于長邱

係宋地在封邱縣南八里即白溝也孟康曰長邱
今翟溝是白音轉為翟又縣北三里有桐牢一名
蟲牢係鄭地成五年同盟于蟲牢襄八年楚侵鄭
至于蟲牢即此

滎陽縣東二十里有隴城春秋時謂之垂隴係鄭地
文二年盟于垂隴襄二十年鄭伯享趙孟于垂隴
即此

滎澤縣西北十五里有王宮城城內東北隅有踐土

臺係鄭地僖二十八年盟于踐土即此去衡雍三十餘里括地志云原武縣西北七里有卷縣故城即衡雍城也

虎牢在汜水縣南二里莊二十一年惠王與鄭以武公之略自虎牢以東後入晉襄十年諸侯戍鄭虎牢即此

敖山在河陰縣西二十里宣十二年晉師在敖鄆之間即此敖山也秦于其地沿河置倉名曰敖倉北

臨汴水酈生說漢高據敖倉之粟即此

宣十二年晉楚戰于郟城在鄭州東六里成十六年晉楚戰于郟陵郟陵城在今郟陵縣西南四十里皆鄭地亦曰郟隱元年鄭伯克段于郟即此蓋郟本古國武公滅之初仍故名後乃改為郟陵

洧川縣南有鄭曲洧地成十七年諸侯伐鄭自戲童至于曲洧杜註新汲縣治曲洧城臨洧水在今縣南又縣西有鄭陰口地襄九年諸侯濟于陰阪次

于陰口而還杜註陰阪洧津陰口鄭地名

陽武縣北十里有鄭城棣地襄五年諸侯會于城棣
以救陳杜註鄭地寰宇記有南棣城北棣城在縣
北十里二棣城之間有博浪沙亭即子房擊始皇
處

陳留縣東北四十里有老邱城為宋老邱地定十五
年鄭敗宋師于老邱即此

陳州府

今府治淮寧縣即陳宛邱地

商水縣舊名南頓縣為古頓國定十四年為楚所滅

光武父欽為南頓令

項城縣為古項國僖十七年魯滅項後亦并于楚項

氏世為楚將封于項即此

又府治西北有犖城為宋地僖元年會于檉左傳一

作犖即此

西華縣西南有閭倉城為宋鬼閭地昭二十年八公

子之徒與華氏戰于鬼閭杜註潁川長平縣西北有閭亭是也

沈邱縣東有養城為楚養邑昭三十八年吳公子掩餘燭庸奔楚楚子大封而定其徙逆吳公子使居養是也

扶溝縣為鄭桐邱地莊二十八年鄭人將奔桐邱今縣西二十里有桐邱亭

許州府

故許城在府治東三十里今為新設石梁縣故許國也成十五年許靈公畏鄭遷于葉鄭有其地仍謂之舊許襄十一年諸侯伐鄭東侵舊許即此地臨潁襄城長葛三縣皆鄭地臨潁即鄭莊公置母姜氏處長葛即繻葛隱五年宋人伐鄭圍長葛桓五年戰于繻葛皆其地也襄城為鄭南汜以周襄王出居于此故名

又府治西北為鄭陽陵地當鄭國之南襄十年諸侯

伐鄭至于陽陵即此

鄆城縣東四十五里為楚召陵地僖四年齊伐楚盟
召陵昭十四年楚屈罷簡東國之兵于召陵即此
禹州為鄭櫟地桓十五年鄭伯突入于櫟杜註櫟為
鄭別都今禹州治後入楚昭元年楚靈王為令尹
始城之至平王初立使子躬致鄭櫟櫟之田事畢
弗致禹州終為楚地

密縣新鄭皆鄭地密縣為鄭新密亦曰新城僖六年

齊桓公伐鄭圍新城即此新鄭為鄭滅檜國地以別于初封之鄭故號曰新鄭縣北十三里有函陵僖三十年晉秦圍鄭晉軍函陵即此又縣東北有制城成十六年伐鄭諸侯遷于制田是也

歸德府

宋全有商邱寧陵鹿邑夏邑永城虞城睢州考城柘城一州八縣之地

今鹿邑縣西十三里為陳鳴鹿地成十六年諸侯之

師侵陳至于鳴鹿即此

睢州接寧陵縣境為衛首止地僖五年會王世子于

首止即此

又寧陵縣西南七十里有大棘城為春秋時宋鄭戰處後為楚莊所并今大棘城有楚太子建墳及伍

員釣臺

睢州境內有衛襄牛地僖二十八年衛侯出居于襄牛杜註云衛地即此又州東南有鄭鄆地襄元年

諸侯之師次于鄆杜註鄭地在陳留襄邑縣東南
考城縣東有蔡邱係宋地僖九年會于蔡邱即此縣
西三十六里有黃溝為宋黃地隱元年傳惠公之
季年敗宋師于黃即此

僖二十二年宋楚戰于泓泓水名在今柘城縣北三
十里

夏邑縣西南有曹黍邱地哀七年宋人伐曹築五邑
于其郊曰黍邱揖邱大城鍾邗杜註梁國下邑縣

西南有黍邱亭案下邑漢縣金改曰夏邑今仍之

汝州

楚文王封畛于汝楚地止于汝水之南成十六年楚以汝陰之田求成于鄭高氏曰汝水出汝州魯山縣至潁州入淮其在汝州郟縣及裕州葉縣間者汝陰田也郟自是入鄭後復入楚昭元年楚靈王為令尹城郟十九年令尹子瑕復城之郟復為楚地

魯山縣有鄭繞角地成六年晉樂書救鄭與楚師遇
于繞角即此杜佑通典汝州魯山縣東南繞角城
伊陽縣為周邲垂地文十七年甘馱敗戎于邲垂蓋
即伊洛之戎與伊陽接境昭二十九年晉趙鞅荀
寅帥師城汝濱杜註即晉所取陸渾地陸渾在河
南府嵩縣地相接

又州東南五十里有鄭魚齒山襄十八年楚師伐鄭
涉于魚齒之下杜註魚齒山下有洧水故言涉又

州西南有蠻城為春秋時戎蠻子國昭十六年楚誘戎蠻子嘉殺之哀四年晉執戎蠻子赤歸于楚自是地滅于楚矣

懷慶府

鄭氏詩譜曰周東都畿內方六百里北得河陽河陽在河之北即懷慶府也隱十一年桓王與鄭蘇忿生之田十二邑鄭不能有復歸周桓七年王遷盟向之民于郊僖二十五年襄王賜晉文公以陽樊

溫原攢茅之田晉始啟南陽由是懷慶所屬七縣
原武屬鄭濟源修武孟縣溫縣屬晉王所有者河
內武陟二縣而已

僖二十五年殺大叔于隰城即隰邨在懷慶府河內
縣成十一年卻至與周爭鄆田鄆即鄆人亭在懷
慶府武陟縣

案僖二十八年晉敗楚師于城濮城濮為衛地在今
山東曹州府濮州南七十里甲午至于衡雍作王

宮于踐土踐土在今開封府滎澤縣西北十五里
衡雍在原武縣西北七里皆鄭地天王狩于河陽
河陽城在孟縣西南三十里會于溫溫城在今溫
縣西南三十里皆晉地蓋文公伐衛致楚因而勝
之還師由衛歷鄭及周渡河而北返于河陽道里
歷歷可見

衛輝府

今淇縣為衛朝歌康叔始封都此汲縣為衛河內輝

縣為衛百泉後俱屬晉

延津縣為鄭廩延邑亦曰酸棗隱元年傳大叔收貳
以為己邑至于廩延襄三十年游吉奔晉馬帶追
之及酸棗廩延酸棗同一地

滑縣為衛漕邑戴公廬曹即此縣東六十里有衛南
故城為衛楚邱文公遷都于此

濬縣為晉雍榆及牽地襄二十三年叔孫豹救晉次
于雍榆定十四年會于牽皆在濬縣境

新鄉縣為晉厥愨昭十一年晉會諸侯于厥愨謀救
蔡即此

彰德府

今安陽縣有衛商任地襄二十一年會于商任以錮
樂氏即此

內黃縣北有衛戲陽城昭九年晉荀寅如齊逆女還
卒于戲陽即此

林縣西北林慮山洹水所出經臨漳安陽內黃而入

衛水亦曰安陽河成十七年聲伯夢涉洹即此水也

汝寧府

江國在汝寧府真陽縣東道國在確山縣北二十里
有道城柏國在西平縣西有柏亭房國在今遂平
縣西北百里楚後以封吳夫概王謂之吳房沈國
在今汝寧府治東南皆滅于楚蔡始封上蔡縣昭
十三年平侯徙新蔡至哀二年冬吳更遷蔡于州

來由是汝寧一府全境皆楚地

信陽州為楚大隧直轅冥阨三關之地吳兵陸行入楚之隘道冥阨一名平靖關在州東南九十里大隧一名武陽關在州東南一百五十里直轅一名黃峴關在州南九十里俱與湖廣德安府應山縣接界所謂義陽三關之塞也詳見險要

光州

今光州西十二里有黃城息縣西南七里有息城賴

在息縣東北商城縣南有賴城固始縣西北七十
里有期思城為蔣國又蓼國在今固始縣東北蓼
城岡即文五年楚所滅之蓼國也五國皆滅于楚
全境皆楚地

息縣東有白城楚白公封邑哀十六年傅子西名太
子建之子勝于吳使處吳境為白公杜註白楚邑
今汝陰褒信縣西南有白亭是也在今息縣東北
七十里

南陽府

故申城在府治南陽縣故呂城在府城西三十里蓼國在唐縣南八十里此蓼為楚武王克州蓼之蓼桓十一年傳所謂隨絞州蓼伐楚師者也與文五年所滅之蓼不同三國皆滅于楚南陽唯犍邑屬鄭後仍屬楚昭元年楚靈王為令尹城犍即此由是南陽一府皆為楚地矣

又南陽縣北為楚武城地僖六年許僖公見楚子于

武城襄九年秦人侵晉楚子師于武城為秦援楚
有事于中國恒出兵于此

又浙川縣境有豐鄉城地與鄖陽之上津接為楚豐
邑哀四年司馬起豐析與狄戎以臨上雒杜註析
縣屬南鄉郡析南有豐鄉皆楚邑

又內鄉縣西南有三戶亭哀四年晉執蠻子與其五
大夫以畀楚師于三戶杜註今丹水縣北三戶亭
是也

裕州為楚方城築連城以拒中國處齊晉伐楚必及此地方城山在今裕州東北四十里北連葉縣楚人因山為固起葉縣至唐縣築城連接數百里國語齊桓公伐楚濟汝踰方城左傳文三年晉陽處父伐楚以救江門于方城襄十六年荀偃伐楚侵方城之外為楚之重鎮受兵處

山東

兗州 濟南 武定 泰安 沂州 曹州 東昌 青州 登州 萊州

府本	魯始	封地	中有	齊宋	衛三	國地	并滕
府全	境皆	齊地					
府為	齊地						
府為	齊魯	中分	之地	中亦	錯入	宋衛	二國
府為	齊魯	莒郟	四國	地			
府以	曹得	名中	兼魯	宋鄭	衛齊	晉為	七國
府為	齊晉	衛三	國交	錯之	地		
府全	境皆	齊地	中有	杞國	又錯	入魯	莒二
府舊	有萊	牟二	國後	減于	齊全	境皆	齊地
府舊	有介	莒二	國地	後并	于齊	全境	皆齊

薛邾

郟鄩

任諸

小國

兗州府

地

交錯

之地

國地

地

魯有曲阜滋陽寧陽泗水金鄉魚臺汶上及濟寧州
 嘉祥縣凡一州八縣之地後兼涉滕鄒嶧三縣境
 嘉祥縣西二十五里有獲麟堆哀十四年傳西狩于

大野獲麟杜註大野在高平鉅野縣東北大澤是也案今嘉祥縣即鉅野縣之所分金皇統中析置金鄉縣東北二十里為宋緡邑僖二十三年齊侯伐宋圍緡二十六年楚人伐宋圍緡即此為宋邊境數被齊楚侵伐

鄒縣東南二十六里為邾國地文十三年邾文公遷于繹繹即鄒山後改國號曰鄒以此

滕縣為滕薛邾三國滕城在縣西南十四里薛城在

縣南四十里郟城在縣東六里又縣北為郟絞邑
哀二年伐郟將伐絞即此

陽穀縣為齊地僖三年齊宋江黃會于陽穀即此

又縣東有阿澤為衛地與東阿縣接界為今運道所
經有七級上下二閘即襄十四年孫氏敗公徒于

阿澤處

嶧縣東八十里為鄆地

濟寧州治為任國

又州東南有邾城為邾國襄十三年并于魯

又滕縣南十五里有漵河為邾田襄十九年取邾田
自漵水衰二年季孫斯伐邾取漵東田由是魯地
兼涉滕縣之境

濟南府

今府治歷城縣南十里為齊之鞏地成二年齊晉戰
處高氏曰穀梁傳鞏去齊五百里括地志及通典
並以鞏在平陰縣今平陰至臨淄果得五百餘里

以傳會穀梁之說似可信乃以本傳考之壬申晉師至于靡笄之下癸酉師陳于鞏自始合以至齊敗三周華不注止為一日事甚明案華不注山在濟南城北見于水經無可疑者若云鞏在平陰則去濟南二百三十里何由一奔遂至此近志云鞏即古之歷下殆不易之論也史記云戰于靡下徐廣云靡當作歷蓋因靡笄之下省文為靡下靡字又譌而為歷耳按高氏之說極精鞏當在歷城無

疑

又今歷城縣西南有小清河春秋時謂之濼水桓十
八年公會齊侯于濼即此其源即趵突泉濟水伏
流重發處志云濟之南源也又東北合大清河即
濟瀆水經注濼水出歷城縣故城西南泉源上湧
若輪春秋桓公會齊侯于濼是也其水北為大明
湖引瀆入西郭北流逕歷城東引水為流枯池州
僚賓燕多萃其上又北注濼水今濼水並城北流

大明湖在城內自城北水門合濼水又東北經華不注山合華泉又東北合大清河

齊河縣境有大清河自泰安府平陰縣流入長清縣又東北入齊河縣境春秋時謂之濟水隱二年齊鄭盟于石門鄭伯之車僨于濟即此石門在長清縣西南濟水之門也舊有石門在岸側去水三百步今圯于水

又齊河縣北有晏城為晏平仲采邑縣東有齊野井

昭二十五年齊侯唁公于野井即此

又長清縣西南二十五里有盧城為齊公子高侯采
邑成十七年齊高弱以盧叛襄十八年晉趙武韓
起以上軍圍盧即此

又歷城縣東三十里有鮑城在鮑山下為鮑叔牙采
邑山因城名

又長清縣豐齊鎮北二里有故祝柯城襄十九年諸
侯盟于祝柯即此左傳謂之督揚唐乾元二年史

思明侵濟南守將李銳于長清邊家口決大河東
至縣縣遂淪陷移治于遷善鎮即今禹城縣治

又禹城縣北四十里有故高唐城襄十九年風沙衛
入于高唐以叛即此二十五年祝佗父祭于高唐
杜註高唐有齊別廟為齊之宗邑猶宋之亳晉之
曲沃齊景公母穆孟姬為陳氏請高唐陳氏始大
又禹城縣西北有轅城為齊轅邑哀十年晉趙鞅伐
齊取犁及轅即此

章邱縣西北三十里有賴亭為齊賴邑哀六年胡姬以安孺子居賴即此西北六十里有崔氏城為崔杼邑襄二十七年崔成請老于崔即此

長山縣西南二十里有於陵城為齊於陵邑左傳謂之夫子昭十年陳桓子名子周與之夫子即此戰國時陳仲子所居

臨邑縣西十里為齊犁邑即哀十年晉趙鞅伐齊所取者

武定府

今海豐縣為齊之無棣邑水經注清河入南皮縣界
分為無棣溝流逕高城入海今河間府滄州之慶
雲縣及武定府之海豐縣皆有無棣溝舊合鬲津
河入海通魚鹽之利今淤

泰安府

今府治泰安縣城北五里有泰山史記貨殖傳其陽
則魯其陰則齊

萊蕪縣東二十里為牟國地通典牟國在登州蓬萊縣似誤此漢之東牟縣也

新泰縣為魯平陽宣八年城平陽即此

東阿縣為齊阿邑亦曰柯莊十三年齊桓為柯之盟即此

又縣東北有清亭為衛清邑隱四年公及宋公遇于清即此縣西二十五里有桃城為衛桃丘邑桓十年公會衛侯于桃丘即此

肥城縣為齊平陰地襄十八年諸侯伐齊齊侯禦諸
平陰今故城在縣東北三十五里

又平陰縣東南為齊京茲邑縣西為齊邾邑荀偃士
匄以中軍克京茲魏絳樂盈以下軍克邾即其地
東平州東二十里為宿國莊十年宋人遷宿更為宋
地

又州東六十里為鄆國紀附庸也莊三十年降齊為
齊地

沂州府

今府治北十五里有開陽城故鄆國後入魯為啓陽
邑哀三年季孫叔孫城啓陽即此

費縣為魯費邑僖公賜季友為采邑

沂水縣東南有牟縣為東夷根牟國宣九年取根牟
更為魯地昭八年蒐于紅自根牟至于商衛革車
千乘商即宋宋衛在魯西蓋由魯極東以至極西
舉全境而言也

又沂水縣治西北四十里有古鄆城為魯之東鄆莒魯所爭者文十二年季孫行父帥師城諸及鄆此時鄆蓋屬魯後入于莒成九年楚子重圍莒莒潰楚遂入鄆即此鄆也至昭元年季孫宿伐莒取鄆自是鄆常為魯有矣

莒州為莒國戰國時入齊為邑齊湣王走莒即此
郟城縣為郟國與江南邳州接界宣四年公會齊侯
平莒及郟蓋二國本鄰近也

蒙陰縣西北堂阜溪上有夷吾亭為管仲稅囚處係
齊地

曹州府

定陶縣為曹都詩譜云在雷夏荷澤之野夾于魯衛
之間今府治荷澤縣是其地也又濮州西南五十
里有洮城為曹地僖三十一年晉文公分曹地自
洮以南東傅于濟齊桓公嘗盟諸侯于此

曹縣南八十里為曹南山僖十九年宋人曹人邾人

盟于曹南范氏曰曹南曹之南鄙是也詳見曹山

川

又曹縣境內有鄭武父地桓十二年公會鄭伯盟于武父杜註武父鄭地即此

又曹縣西十里為宋貫地僖二年齊侯宋公江人黃人盟于貫杜註宋地又縣北三十里為宋穀邱地桓十二年公會宋公燕人盟于穀邱即此

曹縣東南四十里為衛楚邱邑隱七年戎伐凡伯于

楚邱以歸襄十年宋公享晉侯于楚邱即此其地
蓋在曹宋之間是為衛之南楚邱與滑縣之楚邱
有別

又曹縣東北八十里為曹重邱邑襄十七年衛孫蒯
田于曹隧飲馬于重邱重邱人詢之遂伐曹取重
邱杜註重邱曹地高氏云案六韜周志古亡國三
十其中有重邱國以美女遺青陽路史曰在曹州
寰宇記重邱在乘氏縣東北三十一里漢乘氏縣

隋以後俱屬曹州今故城在曹縣東北五十里或云在東昌府東南跨荏平縣界乃襄二十五年諸侯同盟之重邱此係齊地杜氏明註兩國不可混方輿紀要混而一之似誤又縣北有大鄉城為曹鄆邑昭二十年曹公孫會自鄆出奔宋杜註鄆曹邑即此

又曹縣東北為宋鹿上地僖二十一年宋人齊人楚人盟于鹿上杜註宋地

又縣東北三十里為魯生竇地為齊魯交界莊九年
殺子糾于生竇即此

濮州南七十里有臨濮城為衛城濮地僖二十七年
晉敗楚師于城濮即此所謂伐衛以致楚是也

觀城縣為衛五鹿地與直隸大名府開州接界晉文
公還自南河濟侵曹伐衛取五鹿即此詳見開州
鄆城縣為魯西鄆成四年城鄆杜註公欲叛晉故城
之以為備蓋與晉接界昭二十六年齊取之以居

公者

城武縣東北三十二里有梁邱城為魯地莊三十二年齊侯宋公遇于梁邱即此又縣東南有北郛城為郛國有南郛城為宋邑隱十年歸于魯

單縣即魯單父縣宓子賤鳴琴而治者

范縣為晉士會邑今縣東三里有士會墓後范入齊為邑孟子自范之齊即此蓋春秋之末范氏叛晉齊衛助之而范因以入齊耳據此則范在齊衛之

間益信季氏私考疑濮州衛地晉不應以封其大夫士氏本居隨疑范為隨之別名者非也

又范縣東南七十里有廩邱故城為齊之廩邱邑又有羊角城為衛之羊角邑鄆城東北與范縣接界為魯之高魚邑襄二十六年齊烏餘以廩邱奔晉又襲衛羊角襲魯高魚又取地于宋明年晉悉以其地還諸侯則范縣鄆城之境為齊晉宋魯衛五國之交界地最分錯

又范縣南二里有秦亭為魯地莊三十一年築臺于
秦杜註東平范縣西北有秦亭是也

又范縣東南五十里有顧城為齊地哀二十一年公
及齊侯盟于顧杜註顧齊地詩云韋顧既伐昆吾
夏桀即此顧也

東昌府

今府治聊城縣為齊聊聶晏子所謂聊聶以東也堂
邑縣為齊棠邑棠公為棠邑大夫孟子勸齊王發

棠即此後譌為棠在平縣為齊重邱襄二十五年
同盟于重邱即此又大隧在今高唐州境襄十九
年齊及晉平盟于大隧即此皆齊地又縣西南十
二里有夷儀聚為邢國地僖二年邢遷于夷儀即
此衛滅邢地入于衛後又入晉定九年齊伐晉夷
儀蓋齊晉衛三國接壤地

冠縣為晉冠氏邑哀十五年齊伐晉取冠氏即此邱
縣為晉乾侯邑昭公出居于乾侯即此係晉地

桓十六年傳衛使公子伋如齊使盜待諸莘杜註衛地成二年戰于鞏傳晉師從齊師于莘杜註齊地今案東昌府莘縣西去府治七十里從東昌府治至濟南府治歷城縣中經往平長清齊河三縣共二百四十里鞏為歷城縣從莘至鞏約計三百一十里高氏疑其太遠遂疑莘非今日之莘縣然愚嘗就傳文考之上云及衛地韓獻子將斬人云云下遂云師從齊師于莘六月壬申師至于靡笄之下

則知莘與鞏中間原隔幾日觀其特志月日可見
蓋當日莘地必有齊之偏師侵略衛疆而未返者
晉師適遇遂與交戰緣是偏師零卒望風披靡故
不言勝負至六月壬申遂長驅至靡笄之下則傳
所云從齊師者乃是志前月事耳考今日之地理
細案傳文之時日可以瞭然無疑莘應專屬衛地
杜兩注者猶屬騎牆之見也

恩縣為晉東陽地襄二十三年齊伐晉趙勝帥東陽

之師追之獲晏菴又昭二十二年晉荀吳略東陽以滅鼓杜兩註俱云東陽晉之山東廣平以北王氏曰自漢以前東陽大抵為晉太行山東地非有城邑楚漢之間始置東陽郡漢置東陽縣屬清河郡今恩縣西北六十里東陽故城是也據此則東陽之地極廣今直隸之冀州及廣平府之清河縣皆晉東陽之境

青州府

今臨淄縣為太公始封之營邱博興縣為齊薄姑左
氏作蒲姑本殷末薄姑氏國成王時薄姑與四國
作亂成王滅之以益太公之封後胡公徙都于此
一名姑棼莊八年齊襄公遊于姑棼即其地

臨淄縣西五十里為齊葵邱莊八年齊侯使連稱管
至父戍葵邱杜註臨淄縣西有地名葵邱是也蓋
二人以久戍而怨非以遠戍而怨若僖九年會于
葵邱此係宋地在河南考城縣東

又博興縣南五里有貝中聚為齊貝邱京相璠曰博
昌縣南有地名貝邱即齊襄公田處

府治益都縣西南為齊馬陘史記作馬陵成二年齊
晉戰于鞏晉師追齊師入自邱輿擊馬陘即此齊
乘淄水出益都岳陽山北經萊蕪谷又北經長峪
道亦曰馬陵即卻克追齊侯處邱輿亦在益都界
博山縣東有萊蕪故城為魯夾谷邑定十年齊魯會
于夾谷即此

臨朐縣東南一百五里大峴山上有齊穆陵關山高七十丈周圍二十里道徑危惡僅容一軌為齊南天險劉裕伐南燕慕容超兵過大峴舉手指天喜形于色即此詳見險要僖四年管仲對楚使曰齊地南至于穆陵蓋齊之南境止此過此為莒魯二國境

又杜氏通典臨朐縣東有東陽城為齊東陽邑襄二
年晏弱城東陽以逼萊子即此案此係齊地與晉

之東陽有別

安邱縣東北三十里有廢淳于城為故淳于國春秋
桓五年冬淳于公如曹度其國危遂不復後入杞
為杞都

昌樂縣東南五十里有廢營陵城春秋謂之緣陵僖
十四年淮夷病杞齊桓遷杞緣陵即此後杞復遷
淳于

又安邱縣西南有防亭為莒防邑昭五年莒牟夷以

牟婁及防茲來奔遂屬魯案此防本屬莒地與魯之東防西防有別

諸城縣東北有婁鄉城為杞牟婁邑隱三年莒人伐杞取牟婁自是遂屬莒杜註城陽諸縣東北有婁鄉是也昭五年莒牟夷又以奔魯亦與安邱接壤蓋二縣本連壤

又諸城縣西有茲亭為莒茲邑昭五年莒牟夷以防茲來奔即此茲也

又諸城縣治西南三十里有古諸城為魯諸邑莊二
十九年城諸及防杜註諸今城陽諸縣是也又文
十二年季孫行父城諸及鄆

又安邱縣東北十里有渠邱亭為莒渠邱邑成九年
楚子重伐莒圍渠邱城惡衆潰奔莒楚師圍
莒莒城亦惡莒潰楚遂入鄆浹辰之間楚克其三
城蓋地相近也莒為莒州鄆為今沂水縣向俱屬
青州府今改屬沂州府

登州府

今黃縣東二十里有萊子城即萊國襄六年齊滅之為邑二十八年慶封田于萊即此通典萊州治掖縣春秋萊子國亦為東萊郡以在齊國之東故曰東萊蓋萊之幅員廣遠由萊跨登以至于海也

萊州府

今高密縣西有黔陬城為介國地膠州南七十里又有介亭蓋高密與膠州連壤也

即墨縣有棠鄉為萊之棠邑左傳齊入萊萊共公奔棠晏弱圍棠滅之按史記營邱邊萊萊地甚廣亘登萊二府之境自是齊地東盡于海矣

高密縣為晏子封邑蓋亦以晏弱滅萊棠之故

高密縣東四十里有計斤城春秋時謂之介根莒

茲興期始封邑也春秋初徙于莒此為莒別邑襄

二十四年齊侯伐莒取介根杜註莒邑今城陽黔

陬縣東北計基城是也漢置計斤縣

春秋大事表卷六上